

Un di trahadornan pionero di Tele Aruba

Gerda de Groot haya morto den su cas

Tabata siman pasa ainda, cu el a despedi di su yiu muher, Nadine, kende a bolbe Hulanda. Pero ningun hende no por biba pensa cu esaki tabata ultimo despedida di su unico yiu. Nos ta papia aki di un di e pioneronan di Tele Aruba, sra. Gerda de Groot, ex esposa di Sonny Salas, q.e.p.d., kendenan hunto a bin Aruba for di Corsou pa pone Tele Aruba den operacion. Gerda de Groot, a bira conoci pa su programa di atardi, “Tante Gerda”, cu el a dicidi pa hopi tempo, pero tambe hunto cu Sonny nan a bin cu e prome noticia na Hulandes, titular: 13 In ‘t Nieuws”.

E tempo ey Tele Aruba a cuminsa transmiti for di 5 or di



atardi te cu 11 or di anochi. Gerda de Groot, tabata tambe un Secretaria na Tele Aruba, encarga cu multiple trabao. Despues di a traha na Tele

Aruba, Gerda de Groot a bay traha como station manager na Radio Carina. Despues di e periodo aki, Gerda de Groot a traha na varios otro caminda y te na momento di su morto, e tabata na Camacury Residence Apartments. Como cu e no a bin traha awe, den oranan di merdia, personal di Camacury Residence a yama un amiga di dje pa bay su cas, pa wak kico por a pasa cune. E amiga a bin haya Gerda de Groot morto den baño, unda e lo a sufri un atake cerebral. Paz na su resto y nos condolencia na su unico yiu Nadine y na tur su amigonan y ex coleganan di Tele Aruba. Cu Gerda sosega na paz!!!